



JABATAN PERKHIDMATAN VETERINAR MALAYSIA

## LAPORAN LIPUTAN MEDIA

<b>ISNIN, 30 OGOS 2021</b>	
<b>1</b>	Air Sungai Kotor, Berbau Busuk
<b>2</b>	Ladang Ayam Cemar Anak Sungai Salak
<b>3</b>	JPV Tutup ladang ternakan ayam cemarkan anak sungai
<b>4</b>	Ladang ayam diberi tempoh seminggu
<b>5</b>	GOF seize 6 gogs worth RM35,000 at Kelantan border

DISEDIAKAN OLEH:

**SEKSYEN KOMUNIKASI KORPORAT  
JABATAN PERKHIDMATAN VETERINAR MALAYSIA**

## Air sungai kotor, berbau busuk

Ternakan khinzir secara haram didakwa punca pencemaran sungai

Oleh SARINAH MAT KASIM

### PORT DICKSON

**K**erajaan Sembilan membuat pemantauan dan mengambil tindakan tegas terhadap operasi ternakan dan penyembelihan khinzir secara haram di sekitar Kampung Baru Side A, Bukit Pelanduk di sini.

Aktivis sosial, K Balasubramaniam berkata, pihaknya menerima aduan mengenai terdapat kegiatan terbahit sejak kira-kira tiga tahun

Negeri digesa



K BALASUBRAMANIAM

lalu. Beliau mendakwa, akibat operasi haram itu, air sungai di kawasan berhampiran tercemar, kelihatan hitam serta mengeluarkan bau sangat busuk.

"Saya percaya air sungai di kawasan ini sudah tercemar akibat operasi ternakan dan penyembelihan khinzir haram secara besar-besaran yang tidak dikawal.

"Air sungai yang tercemar dan bercampur najis khinzir itu akan mengalir ke laut, sekali gus menjejaskan kebersihan air laut di pantai Port Dickson yang merupakan kawasan tumpuan ramai pelancong," katanya kepada *Sinar Harian* di sini pada Ahad.

Balasubramaniam berkata, beliau sudah membuat aduan menerusi panggilan telefon kepada Jabatan Alam Sekitar (JAS)



Sungai di Kampung Baru Site A, Bukit Pelanduk, Port Dickson tercemar dipercayai berpunca daripada aktiviti ternakan khinzir secara haram.

negeri dan Jabatan Veterinar negeri.

Menurutnya, aduan juga sudah disalurkan kepada beberapa agensi jabatan kerajaan, anggota Exco Kerajaan Negeri dan wakil rakyat, malah laporan polis sudah dibuat berhubung perkara tersebut.

Sementara itu, Exco Kesihatan, Kepenggunaan dan Alam Sekitar negeri, S Veerapan

berkata, pihaknya sedia maklum dengan aduan yang dalam perhatian kerajaan negeri itu.

Beliau mengakui terdapat aktiviti penyembelihan dan ternakan khinzir secara haram di kawasan tersebut, namun kerajaan negeri dalam proses perbincangan untuk mencari jalan penyelesaian terbaik.

"Buat masa ini, saya sudah meminta JAS mengambil sam-

pel air di sungai tersebut untuk melihat kandungan pencemaran yang didakwa.

"Jika benar wujud pencemaran tersebut, kita akan kenakan tindakan tegas terhadap pihak yang terlibat di bawah Badan Kawal Selia Air selain meminta Jabatan Veterinar negeri memantau kawasan tersebut untuk tindakan lanjut," jelas beliau.



BAKRI (tengah) dan Veerapan (kiri) ketika membuat tinjauan pencemaran anak Sungai Salak di Kampung Batang Rokan, Gemencheh, Tampin semalam.

Pengusaha diarah bersihkan kolam kumbahan

## Ladang ayam cemar anak Sungai Salak

NOR AINNA HAMZAH

**TAMPIN** – Sebuah ladang ayam yang sudah beroperasi 10 tahun di Kampung Batang Rokan, Gemencheh di sini diarahkan menutup operasi mulai semalam selepas dipercayai telah mencemarkan anak Sungai Salak.

Pengerusi Jawatankuasa Bertindak Pertanian dan Industri Asas Tani Negeri Sembilan, Datuk Bakri Sawir berkata, pengusaha ladang ayam terbabit juga diminta melaksanakan kerja pembersihan serta penyelenggaraan kolam kumbahan di ladang itu dalam tempoh tujuh hari.

Menurutnya, Notis 7A Akta Air 1920 telah diberikan oleh Badan Kawal Selia Air (BKSA) membabitkan larangan pencemaran sungai daripada operasi ladang

ayam itu.

"Hari ini (semalam) kami siasat aduan yang diterima dan memang terdapat pencemaran anak Sungai Salak. BKSA telah memberi Notis 7A untuk pengusaha mengambil tindakan yang diperlukan sebelum dibenarkan beroperasi kembali.

"Pihak kami mengesan 61 reban yang perlu diselenggara dengan baik. Pencemaran berlaku apabila pengusahanya cuba membersihkan ayam yang mahu dibawa keluar dengan disembur air.

"Bagaimanapun, najis-najis ayam itu keluar dari sini (mengalir ke anak sungai)," katanya kepada pemberita di Kampung Batang Rokan, Gemencheh di sini semalam.

Bakri berkata, BKSA akan membuat pemantauan sehingga

tindakan sepatutnya telah diambil oleh pengusaha terbabit.

Menurutnya, pihak Jabatan Veterinar juga akan memastikan aspek teknikal dipatuhi ladang ayam bagi memenuhi syarat untuk lesen dikeluarkan semula pada setiap tahun.

Sementara itu, Pengerusi Jawatankuasa Bertindak Kesihatan, Alam Sekitar, Koperasi dan Kepenggunaan negeri, S. Veerapan berkata, Jabatan Alam Sekitar (JAS) negeri telah mengambil sampel air sungai tersebut dan akan dihantar ke Jabatan Kimia untuk dianalisis.

"Di ladang ini ada satu kolam (kumbahan) kecil, tetapi tak diselenggara dengan baik. Sepatutnya perlu ada sistem tiga kolam dengan spesifikasi yang ditentukan Jabatan Perkhidmatan Veterinar," ujarnya.

## JPV tutup ladang ternakan ayam cemarkan anak sungai

**TAMPIN:** Sebuah ladang ternakan ayam di Kampung Batang Rokan, Gemencheh di sini diarah menutup operasinya buat sementara.

Arahan itu dikeluarkan oleh pihak Jabatan Perkhidmatan Veterinar (JPV) supaya pemilik ladang ternakan itu melaksanakan pembersihan serta penyelenggaraan kolam kumbahan di ladang berkenaan dalam tempoh seminggu.

Pengerusi Jawatankuasa Bertindak Pertanian dan Industri Asas Tani negeri, Datuk Bakri Sawir berkata, arahan berkenaan dikeluarkan selepas pihaknya mendapati aktiviti ladang ternakan ayam berkenaan telah menyebabkan berlakunya pencemaran.

"Hari ini kami siasat aduan yang diterima dan memang terdapat pencemaran berlaku di anak Sungai Salak. Didapati ada 61 reban ayam yang perlu diselenggara dengan baik.

"Punca pencemaran itu apabila pengusaha cuba membersihkan ayam yang mahu dibawa keluar. Ayam disembur air dan najis-najis ayam mengalir ke anak



**BAKRI Sawir (tengah) dan Veerapan (dnr) meninjau lokasi saliran sebuah ladang ternakan ayam di Kampung Batang Rokan, Gemencheh, Tampin yang menyebabkan pencemaran anak Sungai Salak. - UTUSAN/NOR AINNA HANZAH**

sungai," katanya kepada pemberita di Kampung Batang Rokan, Gemencheh, di sini, semalam.

Semalam *Utusan Malay-*sia melaporkan penduduk di

Kampung Batang Rokan, Gemencheh, di sini kessal kerana terpaksa menahap bau busuk anak Sungai Salak yang dakwa mereka telah tercemar disebabkan

kan air kumbahan dari sebuah ladang ternakan ayam. Sementara itu, Bakri berkata, pihak JPV juga akan memastikan aspek teknikal dipatuhi ladang

ayam terbabit bagi memenuhi syarat untuk lesen dikeluarkan semula pada setiap tahun.

"Ladang ayam ini sudah beroperasi 10 tahun dan kini pengusaha perlu melaksanakan kerja-kerja pembersihan. Aktiviti penternakan tidak dibenarkan buat sementara waktu ini selagi syarat-syarat yang dikenakan tidak dipenuhi lagi," katanya.

Sementara itu, Pengerusi Jawatankuasa Bertindak Kesihatan, Alam Sekitar, Koperasi dan Kepenggunaan negeri, S. Veerapan berkata, Jabatan Alam Sekitar (JAS) Negeri Sembilan telah mengambil sampel air sungai yang tercemar terbabit dan akan dihantar ke Jabatan Kimia untuk dianalisis.

"Laporan itu dijangka mengambil masa dua minggu hingga sebulan bagi mengetahui keputusan sampel air yang diambil pada hari ini," katanya.

"Di ladang ini ada satu kolam (kumbahan) kecil tetapi tidak diselenggara dengan baik. Sepatutnya perlu ada sistem tiga kolam dengan spesifikasi yang ditentukan Jabatan Perkhidmatan Veterinar," katanya.



PENCEMARAN dipercayai berlaku apabila ayam yang mahu dijual dibersihkan sebelum sisa seperti najis mengalir ke parit seterusnya masuk ke Sungai Air Salak.

## BERSIH, TAMBAH BAIK SISTEM KUMBAHAN

# Ladang ayam diberi tempoh seminggu

Oleh **Abnor Hamizam  
Abd Manap**  
am@hmetro.com.my

### Fampin

Pemilik ladang ternakan ayam di Kampung Batang Rokan, Gemencheh yang menyebabkan Sungai Air Salak tercemar diberi tempoh tujuh hari untuk membersihkan dan menambah baik sistem kumbahan mereka.

Pengerusi Jawatankuasa Pertanian dan Industri Makanan Negeri Sembilan, Datuk Bakri Sawir berkata, ladang itu juga diberhentikan operasi sementara waktu. Menurutnya, pengusaha

ladang itu juga bakal dikenakan kompaun mengikut Seksyen 29 Enakmen Kawalan dan Pelesenan Penternakan Unggas dan Aktiviti Berkaitan Penternakan Unggas (EKPPUABPU) 1996.

"Tinjauan mendapati pencemaran dipercayai berlaku apabila ayam yang mahu dijual dibersihkan sebelum sisa seperti najis mengalir ke parit seterusnya masuk ke sungai.

"Berikutan itu

Badan Kawal Selia Air

(BKSA)

Negeri Sembilan tu-

rut

mengeluarkan notis mengikut Seksyen 7A Larangan Pencemaran Sungai, Akta Air 1920," katanya ditemui selepas meninjau ladang ternakan ayam berkenaan, semalam.

Hadir sama Pengerusi Jawatankuasa Kesihatan, Alam Sekitar, Koperasi dan Kepenggunaan Negeri Sembilan, S Veerapan; Pengarah Veterinar Negeri Sembilan, Dr Redzuan Ibrahim; Pengarah BKSA Nornmayasuria Abd Malek dan Penyelaras DUN Gemencheh, Abd Latif A Tambi.

Sementara itu, Veerapan berkata, Jaba-

tan Alam Sekitar (JAS) Negeri Sembilan, sudah mengambil sampel air Sungai Air Salak dan dihantar ke Jabatan Kimia untuk dianalisis.

Katanya laporan dijangka akan diperolehi dalam masa dua hingga empat minggu.

"Semakan juga mendapati pihak ladang turut didenda RM210,960 pada 16 Julai lalu ketika proses pemutihan dijalankan di negeri ini namun diberi lesen sementara untuk beroperasi," katanya.

Harian Metro sebelum ini melaporkan pencemaran Sungai Air Salak yang didakwa penduduk Kampung Batang Rokan akibat sisa kumbahan dari ladang penternakan ayam.

Sampel air Sungai Air Salak dihantar ke jabatan Kimia untuk dianalisis

# GOF seizes 6 dogs worth RM35,000 at Kelantan border

SHARIFAH MAHSINAH ABDULLAH  
PASIR MAS  
news@nst.com.my

**T**HE General Operations Force (GOF) seized six dogs, including a bulldog, worth RM35,000 at an illegal jetty here on Saturday night.

A Malaysian man was also arrested in the 11pm operation at the Maghribi illegal jetty.

GOF Eighth Battalion commanding officer Superintendent Mat Shukor Yusuf said a team from the force was conducting a routine surveillance of the area when they spotted a car.

"After stopping the car, the officers saw that it was carrying several cages and upon further inspection, they found the puppies

and the bulldog inside the cages," he said.

He added that initial investigations showed that the animals had been smuggled into the state via Sungai Golok.

"We suspect the dogs were meant to be sent to buyers, mostly outside Kelantan."

Mat Shukor said he believed the man was hired by smugglers to transport the dogs to the buyers.

He also believed that there was high demand for this breed of dogs from local pet lovers.

"I have directed my officers to step up checks along the border to prevent such activities from taking place."

Mat Shukor said the dogs had been handed over to the Veterinary Services Department.



*The five puppies seized at the Maghribi illegal jetty in Pasir Mas, Kelantan, on Saturday night. PIC COURTESY OF GOF*